



Sámi allaskuvla

Sámi University College

SISAVÁLDINNJUOLGGADUSAT SÁMI ALLASKUVLLA OAHPUIDE

Dohkkehuvvon Sámi allaskuvlla Sámi oahppoinstituhta stivrras (SOI-stivra) áššis OS 14/09, ja maŋemusat dohkkehuvvon Sámi allaskuvlla stivrras áššis S-ášši 35-14, 19.6.2014, universitehtaid ja allaskuvllaid lága § 3-6 ja § 3-7 vuodul (Lov av 1. april 2005) ja Forskrift om opptak til høyere utdanning fra opptak til studieåret 2009-2010. Njuolggadusat leat fámus 1.8.2014 rájes.

KAP. 1 – OPPALAŠ MEARRÁDUSAT

§ 1.1 Doaibmaguovlu

- (1) Dát láhkaásahus mearrida Sámi allaskuvlla sisaváldinnjuolggadusaid oahppofálaldagaide maid Sámi allaskuvla fállá ja mat addet oahppočuoggáid. Oahppofálaldat sáhtta leat juogo prográmma, fága, oahppoovttadat dahje modula masa sáhtta sierra meannudit ohcciid.
- (2) Sisaváldinnjuolggadusat mearridit sisaváldima.
- (3) Jus dáin njuolggadusain leat mearrádusat mat eai heive muhtun doaibmi našunála rápmaplánaide, de leat rápmaplánat mat mearridit.

§1.2 Doabadefinišuvnnat

- (1) Vuodđooahppu
Fágat/oahppoovttadagat/modulat mat eai hukse eará alit oahpuid ala.
- (2) Joatkkaoahppu
Fágat/oahppoovttadagat/modulat mat huksejit eará alit oahpuid ala.
- (3) Sisaváldingáibádusat/-eavttut
Eavttut/gáibádusat mat ovddiduvvojit ohccái go galgá árvoštallojuvvot beassat sisa muhtun oahppofálaldahkii.
Sisaváldingáibádusat/-eavttut iešguđetge oahppofálaldahkii/fágii/oahppoovttadahkii/modulii čilgejuvvjit guoskkevaš fága-/oahppoplánain.
- (4) Vuoruhannjuolggadusat
Dohkalaš ohccit vuoruhuvvojit dihto vuoruhannjuolggadusaid mielde oahpuide maidda lea sierra sisaváldin.

§ 1.3 Mearridanváldi



Sámi allaskuvla

Sámi University College

- (1) Go eará ii leat mearriduvvon, de sáhtta dutkan- ja oahppostivra dáid njuolggadusaid vuodul dahkat ovttaskas mearrádusaid.

KAP. 2 – OPPALAŠ SISAVÁLDINNJUOLGGADUSAT

§ 2-1 Oppalaš sisaváldinnjuolggadusat

- (1) Vuoddoahpuid oppalaš sisaváldingáibádusat Sámi allaskuvlla leat oppalaš lohangelbbolašvuohta dahje realgelbbolašvuohta ja sámegiella (jf. Forskrift om opptak til høyere utdanning). Oahppofálaldagaide maida ii gáibiduvvo sámegiella sisaváldineaktun, namuhuvvo dát sierra fága-/oahppoplánas ja sisaváldin dahkko dan vuodul
- (2) Sámegeiella gáibádusa sáhtta deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje guhkes amasgielladutkkus ja Ruota gymnásas eatnigiellan (*modersmål* 200 čuoggá) dahje odđáigásaš giellan (*moderna språk* 200-300 čuoggá) dahje vástideaddji sámegielloahppu doaibmi njuolggadusaid mielde. Sámegeiella gáibádusa sáhtta maid deavdit sámegiella lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuohta man dási gelbbolašvuohta ohccis lea, de ášši ovddiduvvo fágalaš árvoštallamii ja meannuduvvo dán vuodul.
- (3) Joatkkaoahpuid oppalaš sisaváldingáibádusat leat oppalaš lohangelbbolašvuohta ja relevánta alitoahppu nu mo dohkkehuvvon oahppoplánas ovdanbohtá.
- (4) Masteroahpuid oppalaš sisaváldingáibádusat Sámi allaskuvllas lea oppalaš lohangelbbolašvuohta ja relevánta bachelorgráda dahje vástideaddji nu mo dohkkehuvvon oahppoplánas ovdanbohtá. Dasa lassin gáibiduvvo sisabeassanvuodus unnimusat árvosátni C, dahje vástideaddji, gaskamearalaš árvosátnin. Sisaváldineavttut earjil oahppoovttadagaide/-fágaide/-modulaide masteroahpus leat dábálaččat dat seamma go olles prográmmii.

§ 2.2 Olgoriikka ohccit

- (1) Olgoriikka ohccit (olggobeale Davviriikkaid) gilvalit oahpposajiid alde seamma eavttuid mielde go davviriikkaid ohccit, dainna eavttuin ahte olgoriikka oahppu/hárjehallan lea ovttdássásaš Norgga ja davviriikkaid kvalifikašuvdnagáibádusaiguin.
- (2) Ohccit geain lea oahppu olggobeale davviriikkaid ja geain lea eará eatnigiella go sámegiella (dahje dárogiella muhtun oktavuodain), fertjit duodaštit ahte máhttet



Sámi allaskuvla

Sámi University College

sámeigiela (dahje dárogiella muhtun oktavuodain) sihke njálmmálaččat ja čálalaččat.

- (3) Sámeigiela (dahje dárogiella muhtun oktavuodain) gáibádusas sáhttá spiehkastit oahpuin mat leat earenoamážit heivehuvvon olgoriikka studeanttaide ja main eŋgelasgiella lea oahpahuigiella.
- (4) Olgoriikka ohccit fertejit duodaštit eŋgelasgiella máhtu seamma dásis go eŋgelasgiella joatkkaskuvllas (j.f. Forskrift om opptak til høyere utdanning).

KAP. 3 – SPIEHKASTEAPMI OPPALAŠ SISAVÁLDINNJUOLGGADUSAIN

§ 3.1 Evttolaš sisaváldin

- (1) Evttolaš sisaváldin addo dábálaččat dušše oahppofálaldagaid oktavuodas mat bistet guhkit go jagi.
- (2) Evttolaš sisaváldin addo ohcciide geat earenoamáš sivaide geažil eai sáhte čađahit eksámena fágain dahje oahppoovttadagain mat leat oassin deavdit sisaváldineavttuid. Dábálaš gáibádus/eaktu evttolaš sisaváldima oktavuodas lea ahte váilevaš eksámen fágas/oahppoovttadagas cevzojuvvo vuosttaš lohkanbaji siskkoabealde. Jus ohccis lea eará loahpalaš árvvoštallan ovdalaččas, de galgá dát biddjot vuoruheami vuodđun sisaváldima árvvoštallamii (vuoruheapmái).
- (3) Earenoamáš sivat dákkár oktavuodas leat ovdamearkka dihte buozalmasvuohta, lihkuhisvuohta dahje jápmin lagaš bearrašis, mii lea dagahan ahte ii leat leamaš vejolašvuohta ollášuhttit dan váilevaš sisaváldineavttu. Dákkár earenoamáš ágga ferte duodaštuvvot doaktára dahje eará dearvvašvuodabargi, politiija dahje sullasačča bokte.
- (4) Ohcci gii váldo sisa eavttuid vuodul, ii oaččo várret oahpposaji maŋit sisaváldima oktavuhtii, iige sáhte oažžut permišuvnna oahpus ovdal go sisaváldineaktu lea devdojuvvon.
- (5) Studeanttat geat leat váldon sisa eavttuid vuodul, ja eai deavdde sisaváldineavttuid áigemeiid sisa, sáhttet massit saji ja rivttiid dan oahppofálaldagas.
- (6) Studeanttat geat čađahit eksámeniid oahpuin/fágain/oahppoovttadagain/modulain, eai oaččo daid dohkkehuvvot ovdal go váile sisaváldineaktu lea devdojuvvon.

§ 3.2 Sierralohpi/spiehkasteapmi sisabeassaneavttuin



- (1) Sámi allaskuvla sáhttá dihto ohcciid dáfus earenoamáš ákkaid geažil spiehkastit sisaváldingáibádusas, jus ohcci sáhttá duodaštit ahte bistevaš buozalmasvuoda, doaimmashehttejumi dahje sullasaš siva geažil ii leat leamaš vejolašvuohta deavdit buot sisaváldineavttuid mat leat dábálaš sisaváldinnjuolggadusain. Dákkár siva sáhttá juogo doavttir, eará dearvvašvuodasuorggi bargi, pedagogalaš-psykologalaš bálvalus dahje sullasaš duodaštit.
- (2) Váilevaš kvalifikašuvnnaid ferte veardidit dan oahpu ektui masa ohcci ohcá, ja geahččat ahte ohccis lihkká leat fágalaš eavttut čadahit oahpu vaikko ii deavdde ge oppalaš sisaváldingáibádusaid.

§ 3.3 Realgelbbolašvuohta

- (1) Ohccit geain ii leat oppalaš lohkelbbolašvuohta (čadahuvvon joatkkaskuvla/logahat), sáhttet árvvoštallojuvvot sisa beassat oahpuide, maida ii gáibiduvvo alit oahppu ovdalaččas, sin realgelbbolašvuođa vuodul. Realgelbbolašvuohta lea máhttu maid ohcci lea ožžon ámmátbargguid, bálkkákeahkes bargguid, organisašuvdnabargguid, kurssaid ja eará vugiid bokte.
- (2) Go galgá árvvoštallojuvvot realgelbbolašvuođa vuodul, de galgá deavdit 25 jagi sisaváldinjagi, dahje dan jagi go álgá ohppui.
- (3) Sámi allaskuvla árvvoštallá ohcci kvalifikašuvnnaid oahpu ektui masa ohcá. Ohccis galget leat dárbbalaš kvalifikašuvnnat vaikko ii deavdde dábálaš sisaváldineavttuid (oppalaš lohkelbbolašvuođa).
- (4) Juohke realgelbbolašvuođa ohcci árvvoštallojuvvo oktagaslaččat sierra nammaduvvon sisaváldinlávdegottis.
- (5) Ohcci galgá duodaštit unnimusat 3 jagi kvalifikašuvnnaid mat leat relevánttat dan ohppui masa ohcá. Ohcci galgá ohcamii laktit iešárvvoštallama, mas árvvoštallá ja čilge manne ja mo su kvalifikašuvnnat leat relevánttat ohppui, manne lea ohcan ohppui ja manne jáhkká nagodit gárvet oahpu. Sámi allaskuvla sáhttá dárbbu mielde bovdet ohcci jearahallamii ja ráhkadit sisaváldingeahččalemiid maid vuodul ohcci sáhttá árvvoštallojuvvot.
- (6) Go galgá kvalifiserejuvvot realgelbbolašvuođa vuodul de ferte maid duodaštit dohkálaš teorehtalaš ja praktihkalaš máhtu sámeielas. Jus ohcci ii sáhte duodaštit formálalaš oahpu sámeielas, de árvvoštallojuvvo sámeielmáhttu sierra geahččaleami vuodul. Muhtun oahpuide galgá maid duodaštit dohkálaš teorehtalaš ja praktihkalaš máhtu matematihkas dahje/ja dárogielas ja



Sámi allaskuvla

Sámi University College

en̄gelasgielas. Oahpuide maidda leat sierra sisaváldingáibádusat, ferte daid deavdit dohkálaččat.

- (7) Realgelbbolašvuoda ohccit vuoruhuvvojit árvvu mielde árvvoštallama (“skjønnessig”) ja ollislaš árvvoštallama vuodul buohtalaga daiguin ohcciiguin geat vuoruhuvvojit dábálaš čuoggáid mielde.
- (8) Ohcci gii váldo sisa ovttá dihto ohppui realgelbbolašvuoda vuodul, ii leat automáhtalaččat kvalifiserejuvvon buot eará Sámi allaskuvlla vuodđooahpuide dahje eará alitoahppoásahusaid vuodđooahpuide. Realgelbbolašvuoda ohcci árvvoštallojuvvo juohke oahppofálaldaga ektui sierra.
- (9) Sámi allaskuvlla dutkan- ja oahppostivra sáhtá mearridit dárkilet njuolggadusaid mo realgelbbolašvuoda ohccit galget meannuduvvot.

§ 3.4 Spiehkasteapmi muhtun oahpuid oppalaš sisabeassaneavttuin

- (1) Muhtun oahput spiehkkašit dábálaš sisaváldineavttuin. Dat leat čuovvovaš oahput:
 - Sámegea lohkanbadjeoahppu
 - Sámegea álgokurssat

KAP. 4 – EARENOAMÁŠ SISAVÁLDINNJUOLGGADUSAT

§ 4.1 Vuodđooahppofálaldagat main leat earenoamáš sisaváldineavttut (lassin sámegea máhttui jf. § 2-1)

- (1) Oahppofálaldat main leat earenoamáš sisaváldineavttut leat
 - Duodji bachelor – gáibádusat ovdanbohtet oahpu prográmmaplánas/oahppoplánas.
 - Sámi vuodđoskuvlaoahpaheaddjeoahppu 1–7 ja Sámi vuodđoskuvlaoahpaheaddjeoahppu 5–10: Sisabeassangáibádusat bohtet ovdan sámi vuodđoskuvlaoahpaheaddjeoahpuid rámmaplánain. Ohcciin galget unnimusat 35 skuvlačuoggá, unnimusat árvosátni 3 matematihkas ja unnimusat gaskamearálaš árvosátni 3 dárogea ja sámegea oktii, dahje vástideaddji gelbbolašvuodta eará riikkain. Ohcci galgá deavdit Sámi allaskuvlla sisaváldinnjuolggadusaid sámegea gelbbolašvuoda ektui.
- (2) Joatkkaoahppofálaldagaide gáibiduvvo dábálaččat vassis meari mielde ovdalaččas alitoahppu dahje bargohárjáneapmi. Sisaváldineavttut čilgejuvvojit lagabuidda guoski oahppoplánain.



KAP. 5 – VUORUHEAPMI (RANGEREN)

§ 5-1 Ohcciid vuoruheapmi vuodđooahpuide ja joatkkaoahpuide

- (1) Jus leat eambbo ohccit go oahpposajit, de ohccit vuoruhuvvojit.
- (2) Vuodđun vuoruheapmái leat ohcci oahppo- ja bargoduodaštusat oahpu sisaváldineavttuid ektui, ja eará duodaštusat mat addet poeŋggaid.
- (3) Jus leat eambbo kvalifiserejuvvon ohccit go oahpposajit, de vuoruhuvvojit ohccit olahuvvon gilvočuoggáid vuodul.

Gilvohallančuoggát leat, jus eará ii leat mearriduvvon:

- Unnimus oahppoduogášgáibádus – árvosániid vuodul čuoggát. Árvosániid vuodul poeŋggat rehkenastojuvvojit gaskamearálaš árvosániiguin vuolemus duogášgáibádusa vuodul, gerdojuvvon (multipliserejuvvon) 10:iin
- Čuoggát alitoahpu vuodul- oahppočuoggát. Oahppočuoggát leat 1 čuokkis jagi ovddas.
- Eanemusat sáhtta olahit 3 oahppočuoggá.
- Čuoggát relevánta bargoduogáža ovddas – bargohárjáneami čuoggát. Bargohárjáneamis addo 1 čuokkis jagi ovddas. Eanemusat sáhtta olahit 5 čuoggá (5 jagi ovddas)

- (4) Iešguđet árvosátnevuogádagat alitoahpahasas rehkenastojuvvojit čuovvovaš tabealla vuodul:

Ovdalaš bustávvaárvosánit	Ovdalaš lohkoárvosánit	Odda bustávva-árvosánit	Lohkoárvu sisaváldima oktavuodas
S	1.0-1.9	A	5
M	2.0-2.4	B	4
G*	2.5-2.9	C	3
	3.0-3.4	D	2
NG	3.5-4.0	E	1

* Bustávvaárvosátni G addá lohkoárvvu 2.5 sisaváldima oktavuodas

- (5) Ohccit geain leat seamma ollu gilvalančuoggát vuoruhuvvojit vuorbádeami vuodul.



Sámi allaskuvla

Sámi University College

- (6) Earenoamáš ákkaid vuodul sáhtta sisaváldinlávdegoddi spiehkastit vuoruhan/rangerennjuolggadusain. Ágga manne spiehkastit sáhttet leat oahppodahje bargoduogážit maid vuodul lea váttis čuoggáid rehkenastit, dahje go kvalifikašuvnna duođastusat čielgasit addet boasttu gova ohcci duohta dieđuin ja máhtuin.
- (7) Ohccit geaid ii sáhte čuoggáid mielde árvvoštallat ja ohccit geat árvvoštallojuvvojit dohkálaš realgelbbolašvuoda vuodul, galgá vuoruhit ollislaš ja oppalaš veardideami mielde daid ohcciid ektui geat sisaváldjuvvojit dábálaš sisaváldinčuoggáid vuodul.
- (8) Oahpuid našunála rápmaplánaid mielde galgá vuoruheapmi/rangeren dáhpháhuvvat vuoruhannjuolggadusaid mielde nugo ovdanbohtet rápmaplánas dahje dasa gullevaš njuolggadusain.

§ 5-2 Ohcciid vuoruheapmi bajit gráda oahpuide ja oahppoovttadagaide/modulaide masterdási oahpuin

- (1) Universitehtaid ja allaskuvllaid lága § 3-7 mielde galgá bajit dási oahpuide sierra sisaváldin. Galgá nammaduvvot sierra sisaváldinlávdegoddi juohke bajit dási oahppofálaldaga sisaváldimii. Sisaváldinlávdegotti nammada Sámi allaskuvlla dutkan- ja oahppostivra.
- (2) Vuoruheami vuodđun leat oahppo- ja bargoduogáža duođastusat, mat kvalifiserejit ohcci sisaváldingáibádusaid mielde mat leat oahppofálaldahkii, ja buot eará liigedokumentašuvnnat mat addet liigečuoggáid.
- (3) Jus leat eambbo ohccit go oahpposajit, de ohccit vuoruhuvvojit olahuvvon árvosániid vuodul. Árvosátnečuoggát leat árvosániid gaskamearálaš dássi vuodđooahpus man vuodul veardiduvvo kvalifiserejuvvon oahppofálaldahkii.
- (9) Ohccit geain leat seamma made gilvalančuoggát vuoruhuvvojit/rangerejuvvojit vuorbádeami vuodul.
- (10) Rangerennjuolggadusat mastergrádaoahpuide ja oahppoovttadagaide mat leat masterdásis, galget čilgejuvvo guoskevaš oahppoplánas/-plánain.

§ 5-3 Sisaváldinearit (Kvohtat)

- (1) Buot oahppofálaldagain leat earit, ja jus ii leat mihkkege eará mearriduvvon de čadahuvvo sisaváldin ovttá earis.



Sámi allaskuvla

Sámi University College

- (2) Earri lea ahte dihto mearri oahpposajiin (dihto oahpposajit) galgá juogaduvvot eriide. Ohccit sáhttet oahppofálaldahkii gilvalit eriid vuodul. Earit sáhttet juogo regiovnnalaš (guovllu) earit, ahkeearit, fidnofágalaš earit jna. Jus ohcci galgá sáhttit eari mielde gilvalit, de galgá duhtadit earregáibádusa.
- (3) Sisaváldinearit mearriduvvojit juogo báikkálaččat dahje našunálalaččat.
- (4) Ohccit vuoruhuvvojit eriin dahje mearriduvvon vuoruhannjuolggadusaid mielde.
- (5) Ohcci gii deavdá mángga eari gáibádusaid, vuoruhuvvo dan earis mii addá buoremus vuoddu.
- (6) Jus ovttá eari siskkobealde eai deavdde oahpposajiid, de rahppojit oahpposajit eará ohcciid várás.

§ 5-4 Sisaváldinearit (-kvohtat) dihto oahppofálaldagaide

- (1) Dihto oahppofálaldagaide lea Sámi allaskuvla mearridan eriid. Dát leat davvisámegiela álgoohpuide (álgokurssaide) mat lágiduvvojit Sámi allaskuvllas ja sámi journalistihka bachelorohppui.
- (2) Oahpposajiid vuoruheapmi davvisámegiela álgoohpuide/álgokurssaide galgá dahkkot čuovvovaš ortnega mielde:
8 saji várrejuvvojit ovttasbargoásahusaide olggobealde Davviriikkaid.
Loahppa oahpposajit vuoruhuvvojit čuovvovaččat:
 1. Sápmelaččat geat leat massán giela, ja geat háliidit oahppat sámegiela
 2. Bargit almmolaš ásašusain sámegiela guovlluin geat háliidit oahppat sámegiela
 3. Earát
- (3) Oahpposajiid vuoruheapmi sámi journalistihka bachelorohppui galgá dahkkot čuovvovaš ortnega mielde:
 - 50 % oahpposajiin vuoruhuvvo ohcciide geat gilvalit vuodđoduodaštuseari siskkobealde (primærvitnemálskvotas)
 - 10 % oahpposajiin journalistaoahpus vuoruhuvvo ohcciide geain lea unnimusat jahkebeale relevánta bargohárjaneapmi.
 - 40 % oahpposajiin gilvalit buot eará ohccit geat devdet dábálaš ja erenoamáš sisaváldingáibádusaid.

Go guovtti ohccis lea seamma gilvalanvuodđu čuoggáid dáfus (guoská buot eriide), de vuoruhuvvojit čuovvovaččat:

 - 1) Sohkahealli.
 - 2) Guovlu. Dat giellaguovllut gos váilot sámegiela journalistat vuoruhuvvojit.



KAP. 6 – SISAVÁLDIMA ČAĐAHEAPMI

§ 6-1 Sisaváldinlávdegottit

- (1) Sisaváldin čađahuvvo juogo hálddahuslaš čatábálaš áššemeannudeami vuodul, dahje Sámi allaskuvlla dutkan- ja oahppostivra dahje sullasaš orgána bealis nammaduvvon sisaváldinlávdegottis.
- (2) Sisaváldinlávdegoddi galgá meannudit buot ohcciid geat ohcet realgelbbolašvuoda vuodul, ja ohcciid geain ii leat čielga sisaváldinvuoddu ohppui, omd. ohccit geat veardiduvvojit sisaváldot sierra eavttuiguin.
- (3) Sisaváldinlávdegottis galget čohkkát golbma áirasa persovnnalaš várreláhtuiguin, okta fágááirras, okta studeantaáirras ja okta hálddahusa áirras. Okta lávdegotti miellahtuin nammaduvvo jođiheaddjin.
- (4) Oahppohálddahus/fágahálddahus doaibmá čállingoddin sisaváldinlávdegoddi.
- (5) Juohke mastergrádaohppui galgá nammaduvvot sierra sisaváldinlávdegoddi, golmmain miellahtuin. Sisaváldinlávdegottis galgá fágavirggehas gii ovddasta masteroahpu. Sámi allaskuvlla dutkan- ja oahppostivra dahje sullasaš orgána nammada sisaváldinlávdegotti.
- (6) Sisaváldinlávdegottit nammaduvvojit guovtti jahkái hávális, ja čuovvu oahppojagi.
- (7) Sisaváldinlávdegoddi galgá dábálaččat:
 - meannudit ohcciid geat ohcet realgelbbolašvuoda vuodul
 - dohkkehit ohcciid eavttuid vuodul
 - dohkkehit ohcci fágalaš eavttuid čađahit oahpu jus ohcci ii deavdde oppalaš lohkelbbolašvuoda dábálaš vuogi mielde
 - rávvet mo luohkát biddjojot oktii (earrejeardagat)
 - rávvet man galle oahpposaji biddjojot iešgudetge oahppofálaldahkii
- (8) Sámi allaskuvlla dutkan- ja oahppostivra sáhtta mearridit liigenjuolggadusaid sisaváldinlávdegotti oktiibidjamii ja mandáhttii.

KAP. 7 – EARÁ MEARRÁDUSAT

§ 7-1 Ohcanáigemearit



Sámi allaskuvla

Sámi University College

- (1) Dábálaš ohcanáigemearit leat:
 - 15.4 oahpuide mat álget čakčalohkanbajis
 - 1.12 oahpuide mat álget gidđalohkanbajis
- (2) Oahppohoavda sáhtta mearridit odđa ohcanáigemeari báikkálaš sisaváldimii.
- (3) Ohccit geat ohcet oahpuide realgelbbolašvuoda vuodul ja eavttuid vuodul, berrejit ohcat ovdal:
 - 1.3 oahpuide mat álget čakčalohkanbajis
 - 15.11 oahpuide mat álget gidđalohkanbajis
- (4) Vástadusat báikkálaš sisaváldimis čakčaoahpuide almmuhuvvojit 1.7 ja gidđaoahpuide 20.12.
- (5) Jus fágalaš oahppoprogresevdna diktá, de sáhtta allaskuvla sisaváldit ohcciid dađistaga gitta oahpposajit leat dievva, dahje gitta 15.9 rádjái oahpuide mat álget čakčalohkanbajis ja gitta 15.2 rádjái oahpuide mat álget gidđalohkanbajis.

§ 7-2 Ohcan

- (1) Buot ohcamat mat galget meannuduvvot báikkálaččat registrerejuvvot sierra neahttabáikkis, *søknadswebas*. Buot oahppo- ja bargoduodaštus galget biddjot mielde ohcamii neahttasiiddus.

§ 7-3 Ohcamiid mielde oahppo- ja bargoduodaštus

- (1) Buot ohcamiid galget čuovvut dárbbášlaš oahppo- ja bargoduodaštus maid vuodul allaskuvla sáhtta ohcamiid veardidit ja meannudit, daid áigemeiriid siskkoibealde maid allaskuvla mearrida. Go elektrovnnalaččat ohcet, de ferte allaskuvla sihkarastit ahte ohccit dihtet mo bargo- ja oahppoduodašteapmi galgá dahkkot.
- (2) Buot duodaštus galget leat duodaštuvvon kopijjat originálain.
- (3) Ohccit leat geatnegahtton buktit originála duodaštusaid mearriduvvon áigái ja báikái. Muhtun oktavuodain sáhtta allaskuvla bivdit oaidnit originála duodaštusaid.
- (4) Bargoduodaštusain galgá boahit ovdan bargoáigodat ja virgesturrodát. Duodaštus main dát ii boađe ovdan, eai lohko mielde. Berre maid oanehaččat boahit ovdan mii virggi/barggu sisdoallu lea.

§ 7-4 Árrasisaváldin



Sámi allaskuvla

Sámi University College

- (1) Árrasisaváldin sáhtta dahkkot ákkastuvvon ohcama vuodul ohcciid bealis geat leat kvalifiserejuvvon ohcanáiggi siskkobealde, ja gain lea čuokkissupmi badjel gaskameari.
- (2) Go galgá dohkkehuvvot árrasisaváldimii, de galget dárbbaslaš nanu ákkat, omd.
 - guhkes eretcealkináigi barggus
 - go leat mánát geat šaddet sirdit mánáidgárddi dahje skuvlla fárrema geažil eará báikái
 - go studeanttas lea dárbu sierra heiveheapmái oahpposajis
 - go orru olggobeale EU/EØS-guovlluid ja šaddá oheat orrunlobi studeremii

§ 7-5 Mañidit oahpposaji (doalahit oahpposaji nuppe hávvái)

- (1) Oahpposadji sáhtta mañiduvvot mañit jahkái, dainna eavttuin ahte oahppofálaldat fas fálljuvvo mañit jagi. Dákkár ortnet sáhtta mieđihuvvot jus ohccis leat nanu ákkat dasa.
- (2) Oahppofálaldagaid hárrái main lea eahpesihkarvuohta goas fálljuvvojit nuppes, dábálaččat ii mieđihuvvo dákkár ortnet.
- (3) Oahppofálaldagaid hárrái mat ruhtaduvvojit olggobeale rámma, ii dábálaččat mieđihuvvo dákkár ortnet.

KAP. 8 – VÁIDIN, VUÐOLET MEARRÁDUSAT JA FÁPMUIBJAN

§ 8-1 Váidin

- (1) Sámi allaskuvlla váiddalávdegoddi meannuda eaŋkilmearrádusaide gullelaš váidagiid sisaváldimiid oktavuodas, ja – allaskuvlla stivrra mearrádusa mielde-eará vejolaš váiddaáššiid ohcciid hárrái jf. hálddašanlága kap. 6.
- (2) Našunála sisaváldinmodealla (*Nasjonal opptaksmodell (NOM)*) sisaváldima eaŋkilmearrádusaid váidagat ovddiduvvojit *Samordna opptak (SO)* bokte *Nasjonal klagenemnd for opptak*, jf. *Forskrift om opptak til høyere utdanning § 8-1*.

§ 8-2 Vuðolet mearrádusat

- (1) Dáid njuolggadusaid siskkobealde sáhtta Sámi allaskuvlla dutkan- ja oahppostivra dahkat vuðolet mearrádusaid.

§ 8-3 Njuolggadusaid fápmuibidjan



Sámi allaskuvla

Sámi University College

- (1) Njuolggadusat biddjojit fápmui 1.8.2014 rájes. Seamma áiggi loahpahunvojit buot eará sisaváldimii guoskevaš njuolggadusat maid allaskuvla lea ovdal mearridan, oahpuid ektui mat leat dáid njuolggadusaid siskkobealde.
- (2) Sámi allaskuvlla dutkan- ja oahppostivra sáhtta mearridit gaskaboddosaš heivehanortnegiid.